

**BOSNA I HERCEGOVINA
FEDERACIJA BOSNE I HERCEGOVINE
VRHOVNI SUD
FEDERACIJE BOSNE I HERCEGOVINE
Broj: 070-0-Su-23-000389**

Sarajevo, 12.09.2023. godine

**Uposlenici Vrhovnog suda Federacije BiH
Penzionisani uposlenici Vrhovnog suda Federacije BiH
Nasljednici uposlenika Vrhovnog suda Federacije BiH
Advokati – ovlašteni punomoćnici uposlenika Vrhovnog suda Federacije BiH
u sudskim postupcima radi naplate potraživanja iz radnih odnosa**

PREDMET: OBAVIJEST, DOSTAVLJA SE.-

Obavještavaju se gore navedeni povjerioci potraživanja (tužitelji, tražitelji izvršenja i njihovi ovlašteni punomoćnici) prema Vrhovnom sudu Federacije Bosne i Hercegovine, utvrđenih pravosnažnim i izvršnim sudskim odlukama iz radnih odnosa zaključno sa danom 31.10.2023. godine, da je Vlada Federacije BiH dana 28.04.2023. godine objavila javni poziv za zaključenje ugovora o vansudskoj nagodbi za izmirenje obaveza federalnih organa i institucija utvrđenih pravosnažnim i izvršnim sudskim odlukama iz radnih odnosa.

Predmet ugovora o vansudskoj nagodbi su sva (ukupna) potraživanja tužitelja/tražitelja izvršenja utvrđena pravosnažnim i izvršnim sudskim odlukama do 31.10.2023. godine.

Zainteresirani tužitelji/tražitelji izvršenja mogu do 31.12.2023. godine na protokol (prijemna kancelarija) Vrhovnog suda Federacije Bosna i Hercegovine predati zahtjev za zaključenje ugovora o vansudskoj nagodbi kojeg mogu preuzeti sa web-stranice Vlade Federacije Bosne i Hercegovine. Istovremeno, sa web-stranice Vlade Federacije Bosne i Hercegovine potrebno je preuzeti odgovarajuću verziju tipskog teksta ugovora o vansudskoj nagodbi, popuniti ga, potpisati ga u 4 (četiri) primjerka (odnosno 6 (šest) primjerka u slučaju tipskog teksta ugovora pod oznakom „C“). Obrazac prilagođenog ugovora o vansudskoj nagodbi se dostavlja u prilogu ovoj obavijesti.


Odgovarajuću verziju tipskog teksta ugovora o vansudskoj nagodbi zajedno sa popunjenim naprijed navedenim zahtjevom predati na protokol Vrhovnog suda Federacije Bosne i Hercegovine, ujedno prilažući sljedeće dokumente:

- fotokopiju/fotokopije svih (zaključno sa 30.10.2023. godine) pravosnažnih i izvršnih sudskih odluka, tj. presude sa prijedlogom za izvršenje u jednom 1 (primjerku),
- fotokopiju ovjerene lične karte podnosioca zahtjeva, bilo da se radi o zaposleniku ili umirovljeniku ili nasljedniku, u 1 (jednom) primjerku,
- punomoć za zastupanje u slučaju da se na strani uposlenika ili penzionera/umirovljenika kao potpisnik ugovora o vansudskoj nagodbi pojavljuje punomoćnik (advokatska kancelarija ili treće lice), u 1 (jednom) primjerku,
- ovjerenu fotokopiju rješenja o nasljeđivanju u slučaju da se nasljednik/nasljednici uposlenika ili penzionera/umirovljenika pojavljuju kao potpisnici ugovora o vansudskoj nagodbi, u 1 (jednom) primjerku
- Potvrda nadležne advokatske komore, koja ne može biti starija od 3 (tri) mjeseca, kojom se potvrđuje validnost uvjerenja/rješenja o upisu advokata u imenik advokata, u slučaju da se advokat pojavljuje u svojstvu punomoćnika ili podnosioca zahtjeva za naplatu troškova parničnog i izvršnog postupka.

Isplate na osnovu zaključenih ugovora će se vršiti prema redoslijedu prijema zaprimljenih zahtjeva.

Ova obavijest će se istaknuti na oglasnu ploču Vrhovnog suda Federacije Bosne i Hercegovine.

Isticanjem na oglasnu ploču Vrhovnog suda Federacije, smatrat će se da su o gore navedenom obaviješteni svi koji imaju potraživanja po pravosnažnim i izvršnim sudskim odlukama iz radnih odnosa zaključno sa danom 31.10.2023. godine prema Vrhovnom sudu Federacije Bosne i Hercegovine.



Prilog:

- Javni poziv Vlade F BiH za zaključenje vansudske nagodbe,
- Obrazac zahtjeva za zaključenje ugovora o vansudskoj nagodbi,
- Obrazac prilagođenog ugovora o vansudskoj nagodbi.